



ИШОНЧ

7

1993 йил
13—19 февраль
(100)

Ўзбекистон қасаба уюшмалари Федерациясининг ҳафталик газетаси

Хабарлар мағзи



● **ЎЗБЕКИСТОН** Республикаси Президенти Ислоҳ Каримов Франциянинг «Сосьете насьональ эльф акитен» давлат компанияси Президенти Лоик Ле Флок Прижан раҳбарлигидаги делегацияни қабул қилди. Мулоқот чоғида Франция Республикасининг Ўзбекистондаги Фавкулотда ва мухтор элчиси Жан Поль Везнан хозир бўлди.

● **ЎҚУВЧИЛАРНИНГ** истеъдоларини намоён этиш ва ижодий қадриятларини ривожлантиришга, уларда мустақил Ўзбекистон фуқаросининг юксак маънавий фазилатларини шакллантиришга муҳим аҳамият бериб Ўзбекистон Республикаси Президенти «Ўзбекистоннинг ўқувчи ёшларини рағбатлантириш чоралари тўғрисида» қарор қабул қилди.

● **ЎЗБЕКИСТОН** Республикаси Вазирлар маҳкамаси «Ўзбекистон Республикаси олий ўқув юрталари учун талабаларни тест усулида саралаш тўғрисида» қарор қабул қилди.

● **ЎЗБЕКИСТОН** Республикаси Президентининг Фармонида кўра, «Тошкентбошқурилиш» («Главташкентстрой») тугатилиб, Тошкент давлат акционерлик қурилиш корпорацияси («Тошкентқурилиш») ташкил этилди.

● **ТОШКЕНТДА** мева-сабзавот ва қайта ишланган маҳсулотлар сотиш бўйича анъанавий ҳалқаро ярмарка очилди. Ярмарка 17 февралгача давом этади.

● **ТОЖИКИСТОН** халқларига инсонпарварлик ёрдами кўрсатиш Ўзбекистон жамғармасининг ташаббуси билан Республика Қизил Ярим ой жамияти орқали биродарқушлик урушидан жабр кўрганларга махсус самолётда хайрия юклари жўнатилди.

● **ТОШКЕНТ** шаҳрининг Шайхантахур районида яшовчи 111 ёшли Нурпошо она Хўжаева Ўзбекистон Республикаси Президенти Ислоҳ Каримовга мактуб йўллаб, ўз дил сўзларини баён қилганлар, Президентимиз олиб бораётган ишларига, сазй-ҳаракатларига Оллоҳ ҳамшира ёр бўлишини тилаганлар.

● **ЎЗБЕКИСТОН** Республикаси Президенти ҳузуридаги Давлат назорати кўмитаси ҳайъатининг навбатдаги мажлисида республика Меҳнат вазирлиги ва унинг жойлардаги органларида Ўзбекистон Республикаси «Аҳолини иш билан таъминлаш тўғрисида»ги қонунининг бажарилишини текшириш натижалари муҳокама қилинди.

● **ШУ ЙИЛ** 10 февраль куни Афғонистон ислом давлатига қарашли «АН-12» самолёти Термиз аэропортига яқинлашаётган пайтда фалокатга учради. Самолёт ичида 8 кишидан иборат экипаж ва 119 йўловчи (ҳаммалари Афғонистон фуқаролари) бор эди. Ҳеч ким ҳалок бўлмади.



«Қизил тонг» тикувчилик ишлаб чиқариш бирлашмасида асосан эркаклар ва аёллар пальтоси, болалар учун устки кийимлар ишлаб чиқарилади. Маҳсулотнинг бежирим бўлишида тикувчи аёлларнинг хизмати

катта бўлаётир.

Суратда: меҳнатига яраша иззат топаётган чевар тикувчи Мастура Норматова. У ўз ишидан мамнун. Алимурод МАМАДАМИНОВ олган сурат.

ЖАМОА ШАРТНОМАЛАРИ — ИЖТИМОЙ ҲИМОЯ ГАРОВИ

Утган йили қасаба уюшма ташкилотлари Хоразм вилояти меҳнатқашларини ижтимоий ҳимоялаш учун ранг-баранг тадбирлардан фойдаландилар. Айниқса, иш билан таъминловчи ташкилот, корхона, хўжалик, муассасалар билан тузилган жамоа шартномалари яхши самара берапти. Жамоа шартномаларида меҳнатқашларни ижтимоий ҳимоя қилиш бўйича бажариладиган ишлар, уларга ажратилган маблағлар аниқ кўрсатилади. Нарх-наво кескин ортаётган ҳозирги даврда бу ишчи-хизматчиларга, деҳқонларга яхши-

гина кўмак бўляпти. 1992 йилда жамоа шартномаларида режаланган ишларни бажаришга 117,2 миллион сўм сарфланганлиги фикримиз далилдир.

Вилоят қасаба уюшма ташкилотлари айни кунларда меҳнатқашларнинг умумий йиғилишларида ўтган йилги жамоа шартномаларининг бажарилиши яқунларини кўриб чиқмоқдалар, амалдаги йил учун уни янгидан тузиш ҳаракатини қиляптилар.

— Жамоа шартномаларининг пинҳон-пухталиги уларда илгари сурланган вазифаларнинг ҳаётий зарурлиги

ва долзарблигига боғлиқ, — дейди вилоят қасаба уюшмалари кенгаши бўлими мудир Ф. Назаров. — Шу боис биз жамоа шартномаларини тузиш юзасидан бошланғич қасаба уюшма ташкилотлари раҳбарлари учун семинар-кенгашлар ўтказдик. Бу йилги жамоа шартномаларида меҳнатқашларни ижтимоий ҳимоялаш тадбирлари мундарижасини янада кенгайтираимиз. Ҳозирги иқтисодий кийинчиликлар шунга мажбур қилмоқда.

Шихназар АҲМЕДОВ,
«Ишонч» мухбири.

ЯҚИН МАСЛАҲАТГУЙ

«Ишонч» менинг энг севимли газетам. Унинг ҳар бир сонини сабрсизлик билан кутаман. Чунки, мени қизиқтирган, ҳаяжонга солган кўплаб саволларга ундан жавоб топаман. «Ишонч» саҳифаларида меҳр-оқибат, инсонийлик, қадр-қиммат, оила ҳақидаги материаллар, аёлларга турли маслаҳатлар янада кўпроқ ёритилишини истайман. Газетхон сифатида унинг 100-сон чикшиши билан табриклар, бундан буён ҳам «Ишонч» меҳнатқашларнинг оғирини енгил қилишида руҳан кўмакдош бўладиган адолатли ҳамсуҳбат бўлиб қолишига ишонаман.

Гулнора МИРЗАЕВА,

Тошкент «Малика» трикотаж ишлаб чиқариш бирлашмаси қасаба уюшмаси кўмитаси раиси.

Ўзбекистон қасаба уюшмалари Федерацияси «Ишонч» газетасининг 100-сон қутлуг бўлсин! Газета қисқа вақт ичида ўз мухлисларини топди. Йўли янада раван бўлсин. Аввало газетхонларга, қолаверса уни чиқаришдек сермашаққат ишни адо этиб келаяётган муҳарририят ходимларига омад, соғлиқ ёр бўлаверсин. «Ишонч»нинг мингинчи, ўн мингинчи сонлари ҳам чиқишига ишонамиз.

Лутфулла КАБИРОВ,

Ўзбекистон республикаси журналистлар уюшмаси бошқарув раиси.

ҲУРМАТЛИ ГАЗЕТХОН!

«ИШОНЧ» газетасининг 1993 йил дастлабки сонларини ўқиб чиққанингиздан сўнг Сизда унга обуна бўлиш хоҳиши пайдо бўлган бўлса, шошилинг! 10 мартгача обунани расмийлаштирсангиз апрель ойидан бошлаб «Ишонч»ни ола бошлайсиз. Борди-ю шу муддатни бой берсангиз, унда газета олишингиз яна бир ойга кечикади.

Нарх-навонинг бетиним ўсиб бориши туфайли обуна нархини ўзгартиришга мажбур бўлдик. Илгари ёзилганлар эса ўтган галдагидек, йил охиригача ўз газеталарини олаверадилар. «Ишонч» бу йил ҳам ваъдасига вафо қилади. Энди «Ишонч»нинг бир ойлик яқка тартибдаги обуна нархи 44 Сўм, уч ойлиги 132, олти ойлиги эса 264 ва ниҳоят йил охиригача бўлган обуна баҳоси 396 сўм қилиб белгиланди. (Нашр кўрсаткичи 64560).

Худди шу тариқа корхона ва муассасалар обунаси ҳам бир ойга 87 сўм, уч ойга 261, олти ойга 522 ва ниҳоят 9 ойга 783 сўм қилиб белгиланди. (Нашр кўрсаткичи — 64561). «ИШОНЧ»ГА ЕЗИЛИШНИ УНУТМАНГ.



Саволларга Ўзбекистон Республикаси ижтимоий таъминот вазирлигининг бош мутахассиси Хулкар ФАЙЗУЛЛАЕВА жавоб беради.

Умумий касаллик бўйича 3-тоифа ногирониман, меҳнат стажим 13 йил. Ҳозирги вақтда меҳнат стажига эга бўлган шахсларга энг кам нафақа 2500 сўм қилиб белгиланган. Менинг нафақам қанча бўлади?

А. АБДУРАҲМОНОВ,
Тошкент вилояти, Ўрта Чирчиқ райони.

2500 сўм миқдордаги карилик нафақасига чик-нафақа бу 20—25 йил қан шахсларга ёки 2-тоифа меҳнат стажига эга бўлиб, фа ногиронларга тайинла-

надиган миқдор. Қонунга мувофиқ 3-тоифа ногиронларига нафақа 30 фоиз миқдорда тайинланади. Яъни, энг кам карилик меҳнат нафақаси 2500 сўм бўлса, Сизга 3-тоифа ногирони сифатида 30 фоиз белгиланган. Бу энг кам миқдор. Агар Сиз ишлаган даврингизда юқори маош олган бўлсангиз, бу миқдор кўпроқ ҳам бўлиши мумкин.

«Ишонч» газетасининг 1992 йилги 47-сонида тиббий ходимларга квартира, электр хизматлари ҳақи бепул дейилган, лекин қайси қонунга асосан эканлиги кўрсатилмаган, бу эса ҳисобхона ходимлари учун ҳужжат бўлиб хизмат қила олмайди. Мен шу нарсани суриштириб вилоят касаба уюшмаси орқали аниқладимки, ҳозирги кунда 1988 йил 31-октябрдаги қонун амалда экан. Министрлар кенгашининг бу қарорига эса ҳар хил нормалар қўйилган ва бепуллик тўғрисида ҳеч гап йўқ.

«Ишонч»нинг жавоби бирорта ҳужжатга асосланган бўлса ана шу ҳужжатни рўзнома орқали ёритсангиз.

И. М. ЭРМАТОВ,
Сирдарё вилояти, Гулистон район марказий касалхонаси касаба уюшмаси қўмитаси раиси.

Сизнинг коммунал хизмати учун ҳақ тўлашдаги имтиёзлар тўғрисида маълумот беришимизни сўраб ёзган хатингизга жавобан Ўзбекистон Республикаси Соғлиқни сақлаш ходимлари касаба уюшмаси Марказий Қўмитаси шунин билдирадими, қишлоқ жойларда ва шаҳар типидagi посёлкаларда яшовчи ва ишловчи тиббиёт ҳамда дорихона ходимлари коммунал хизматлар-

дан (иссиқлик, электр, квартира ҳақи) бепул фойдаланиш ҳуқуқига эгадирлар.

Квартиралар мазкур жойларда амалда бўлган нормаларга асосан, бироқ, оиланинг ҳар бир аъзоси ҳисобига 10 кв. метрдан кўп бўлмаган ҳажмда берилади.

Енилги эгаллаб турилган ҳар бир квартира учун бир тонна кўмир миқдориди ажратилади. Мар-

казий иситгичдан фойдаланиладиган бўлса, уйдан фойдаланиш бошқармасининг ҳисоби бўйича имтиёз берилади.

Электр қувватидан ҳар бир хонага 60 шамли, ошхонага эса 25 шамли электр лампочка ҳисобидан бепул фойдаланиш имтиёзи берилган. (Асос: Ҳозирга амалда бўлган КПСС Марказий Қўмитаси билан СССР Министрлар Кенгашининг 1968 йил 5-июлдаги 517-сонли қарори ҳамда Ўзбекистон ССР Министрлар Кенгашининг 1988 йил 31-октябрдаги 392-сонли «Аҳоли саломатлигини муҳофаза қилишни яхшилаш ва соғлиқни сақлашнинг моддий-техника асосини янада мустаҳкамлаш чоралари тўғрисида»ги қарори.)

Шаҳарлардаги соғлиқни сақлаш тизимида ишловчилар учун коммунал хизматдан фойдаланишга 50 фоизли имтиёзлар бериш ҳозирча директив ҳужжатларда кўзда тутилмаган.

Биринчи тоифа кўзи ожиз ногиронман. Нафақам миқдори қанча бўлиши керак?

З. АШРАПОВА,
Тошкент вилояти, Тошкент райони.

Ногиронларга нафақа тайинлашда ёшга нисбатан стаж талаб қилинади. Агар Сиз ҳам иш стажига эга бўлсангиз ҳозирги вақтда нафақангиз миқ-

дори 5000 сўмни ташкил қилиши мумкин. (асосий миқдор 2500 сўм ва қараб туриш учун 2500 сўм қўшимча) Меҳнат стажига эга бўлмаган шахсларга 1 тоифа бўйича ногиронлик нафақаси миқдори 1250 сўмни ташкил қилади.

Опан руҳий касаллиги туфайли йиллаб шифохонадан чиқмайди. Унинг 14 ёшдаги ўғли менинг қарамоғимда, чунки отаси ташлаб кетган. Шу бола учун фақат 40 сўм нафақа ва 30 сўм алимент оламан. Яна қандай моддий ёрдам олиш мумкин?

Р. ҲАҚБЕРДИЕВ,
Қашқадарё вилояти, Қамаш шаҳри.

Опангиз 1-ёки 2-гурух қасини олса, нафақасига бўйича ногиронлик нафақа бола учун қўшимча ҳақ

бериш мумкин, унинг миқдори 1250 сўмга тенг. Лекин у ҳолда 40 сўмлик нафақа тўланмайди. Бундан ташқари болаларга аталган маҳсулотларнинг нархи ортиши муносабати билан йиллик мақсадли тўловлар белгиланади. Ҳозирги вақтда (йил давомида) унинг миқдори 795 сўмга тенг.

Мен бир мактабда 40 йил узлуксиз ишладим. Шунинг учун нафақамга қўшимча ҳақ берилдими? Ўқитувчиларга 55 ёшдан имтиёзли нафақа тайинланадими?

Н. ДУСАНОВ,
Самарқанд вилояти, Нарпай райони.

Йўқ, ҳозирги вақтда қўлланилаётган Қонунга мувофиқ узлуксиз ишлаган йиллар учун қўшимча ҳақ берилмайди.

Ўқитувчилар учун имтиёзли нафақа тайинлаш назарда тутилмаган. Лекин уларга ёшидан катъий назар кўп йиллик хизмат нафақаси тайинланиши мумкин. Бунда бевосита ўқитувчи бўлиб камиди 25 йил иш стажига эга бўлиши керак.

Отам Ватан уруши I гуруҳ ногирони. «Запорожец» енгил автомашинаси олганига 7 йилдан ошди. Яна автомашина олиш учун мурожаат қилганда ижтимоий таъминот бўлими мудири ҳозир машина билан таъминлашнинг имконияти йўқлигини айтди. Шу тўғрими?

Ж. ЮСУПОВ,
Самарқанд вилояти, Жомбой райони.

Маълумки, ҳозиргача барча автомашиналар бошқа республикалардан сотиб олинар эди. Бу борада мустақил республикалар аро янги битим ёки шартнома тузилгани йўқ, шу сабабли ҳозирча автомобилларни кўп миқдорда сотиб олиш имкониятига эга эмасмиз. Ўйлаймизки, яқин келажакда бу масала ижобий ҳал бўлади.

Давлат идорасининг хизматчиси тижорат соҳасида, хусусий тизимларда ўриндошлик йўли билан ишлаши мумкинми?

П. ҲАЙРУЛЛАЕВ,
Тошкент шаҳри.

Ўзбекистон Республикаси Президенти ҳузуридаги Вазирлар Маҳкамасининг 1992 йил 6 мартдаги 103-сон қарорига биноан қуйидаги тоифадаги хизматчилар тижорат ва хусусий тизимларда ишлаш ҳуқуқига эга эмаслар:

— давлат ҳокимияти ва бошқарув органларининг ҳуқуқни муҳофаза қилиш органларининг ходимлари;

— давлат банклари раҳбарлари ва уларнинг ўринбосарлари, хизмат юзасидан пул белгиларига ва пул (банк) ҳужжатларига бевосита алоқаси бўлган мансабдор шахслар;

— давлат корхоналари, муассасалари ва ташкилотлари раҳбарлари ва уларнинг банк ҳужжатларига имзо қўйиш ҳуқуқига эга бўлган ўринбосарлар;

— давлат таъминот ва савдо-сотик корхоналари ва ташкилотларининг раҳбар ходимлари;

— тадбиркорлик фаолиятини амалга ошириш билан боғлиқ масалаларни ҳал қилиш ёки бундай фаолиятни назорат қилиш ўз вазифасига кирувчи давлат органларининг раҳбар ходимлари ва мутахассислари;

— чакана, улгуржи-чакана савдо, умумий овқатланиш давлат бирлашмалари ва корхоналарининг, трестларнинг раҳбарлари ва уларнинг ўринбосарлари, бош мутахассислари, бўлинмаларнинг бошлиқлари, моддий жавобгар шахслар қарорда кўрсатилмаган тоифадаги хизматчилар ўриндошлик йўли билан тижорат фаолияти билан шуғулланишлари мумкин.



Саволларга Ўзбекистон агросаноат мажмуи ходимлари касаба уюшмаси Марказий Кўмитаси раиси Т. Қўшаев, Ўзбекистон агросаноат мажмуи ходимлари касаба уюшмаси Марказий Кўмитаси бўлим мудирлари Б. Акбаров ва Ўзбекистон Республикаси ижтимоий таъминот вазирлиги бош мутахассиси Х. Файзуллаевалар жавоб берадилар:

1976 йилда туғилган укам 16 ёшгача болаликдан ногиронлик нафақаси олар эди. Ҳозирги вақтда тўхтатиб қўйишди. Ижтимоий таъминот бўлими ходими, «яна тиббий кўрикдан ўтиши лозим», деди. Шу тўғрими, ахир укам болаликдан ногирон-ку?

О. НОРМАТОВ,
Қашқадарё вилояти,
Деҳқонобод райони.

Қонун бўйича 16 ёшгача бўлган ногирон болалар яшаш жойидаги даволаш муассасаси ёки болалар шифохонасида дўхтирлар назоратида бўлади ва уларнинг ногиронлиги ҳақидаги хулосани даволовчи шифокор ёзиб беради.

16 ёшга тўлгандан кейин ногиронлик ҳақида хулоса тиббий-мехнат экс-

пертиза ҳайъати кўриги натижаси бўйича берилди. Кўрикдан ўтиш учун йўлланма катталар шифохонасидан олинади. Ногиронлик хулосаси берилгандан сўнг нафақа тўлаш давом эттирилади.

Агар укангиз юролмайдиган бўлса, ҳайъат аъзоларини уйда кўрик ўтказиш учун таклиф қилиш мумкин.

1. 1992 йилнинг 1 октябрдан бошлаб ойлик иш ҳақим 3020 сўм бўлди. Клубимиз III тоифали клуб. Айтингчи менинг маошим қанча бўлиши керак?

2. Сиртдан ўқиётган талабаларга сессияда бўлган ойларида ойлик иш ҳақи тўлиқ тўланадими ёки ўртача миқдордами?

3. Клубларни ижарага олиш мумкинми?

4. Ёлғиз оналарга ижтимоий таъминот бўлими томонидан берилётган алиментлари қўпаядими?

У. ХОЛМУРОДОВА,
Наманган вилояти,
Учқўрғон райони,
Қўғай қишлоғи.

Ўзбекистон Республикасида 1993 йил биринчи январидан қўлланилаётган ягона тариф сеткаси бўйича клуб мудирларининг категорияларига қараб ойлик маошлари 6—9 разрядлар билан белгиланиб 4700 сўмдан 6350 сўмгача бўлади. 1992 йилда III тоифали клуб мудирларининг маоши 4080 сўмга тенг. (Ўзбекистон Республикаси Меҳнат вазирлигининг 1992 йил 28 апрелидаги 4/12 сонли қарорига асосан).

2. Олий ўқув юртларида сиртдан таълим олаётган ходимларга ўқув таътилида бўлган давр учун энг охириги белгиланган лавозим маоши миқдори тўланади.

Асос: Ўзбекистон Республикаси Меҳнат вазирлигининг 8/4 сонли ва Молия вазирлигининг 10-сонли 1992 йил 30 июлда чиққан қўшма қарори.

3. Ўзбекистон Республикасининг 1992 йил 19 ноябрда қабул қилинган «Ижара ҳақида»ги қонунига асосан клубларни ижарага (шартнома асосида) бериш мумкин. Аммо клублардан фақат амалий йўналишларда яъни маданий, иқтисодий, тасвирий ва ҳоказо соҳаларда фойдаланиш зарур.

4. Алимент пулининг миқдори сиз яшаб турган район суд органлари томонидан белгиланади.

Тракторчиларга имтиёзли нафақа тайинлашда армия сафида хизмат қилган вақт ва сайлов йўли билан тайинланадиган (хизмат вақти) лавозимида ишлаган вақт ҳисобга олинадими?

Ж. ОЙТУҒДИЕВ,
Бухоро вилояти, Олот райони.
Қ. РАЖАБОВ,
Самарқанд вилояти, Қаттақўрғон райони.

Тракторчи-машинистларга имтиёзли нафақа белгилашда шуни назарда тутиш керакки, бу турдаги нафақа фақат кишлоқ хўжалик маҳсулоти етиштиришда бутун дала мавсумида бевосита банд бўлганларга тайинланади.

Тракторчи-машинистлар гувоҳномага эга бўлиб, айнан шу касб бўйича ишга қабул қилинган бўлиши керак.

Тракторчи-машинистлар трактор ва бошқа ўзи

юрар кишлоқ хўжалик машиналарида ишлашлари керак. Тиркама ва стационар агрегатларда ишлайдиган тракторчи-машинистларга имтиёзли нафақа тайинланмайди.

Бу нафақани тайинлашдаги асосий шартлардан яна бири — айнан тракторчи — машинист сифатида ишлаган иш стажига 25 йилдан кам бўлмаслиги лозим. Бу даврга бошқа хизмат ва иш фаолияти кирмайди.

Мен 40 йил тракторчи бўлиб ишлаб, 1989 йил нафақага чиққанман. Аввалига ойига 120 сўм нафақа олардим, кейин 350 сўм оладиган бўлдим. Шу тўғрими? Кейин шу касбда кўп йил ишлаганим сабабли бод, қандли диабет касалликларига чалинганман. Бунинг учун нафақамга қўшимча ҳақ бериладими?

С. ЖУРАҚУЛОВ,
Жиззах вилояти, Октябрь районида,
Собир Раҳимов номидаги жамоа хўжалиги.

Нафақалар миқдори Ўзбекистон Республикаси Президентининг фармонларига кўра бир неча бор кўриб чиқилиб, унинг энг кам миқдори 1993 йилнинг январидан 2500 сўм этиб белгиланган.

Шунинг учун хатингизда қайд этилган 350 сўм-

лик нафақа миқдори ҳақиқатга тўғри келмайди. Бу ҳақда ҳамда бетоблигингиз ҳақидаги ҳужжатлар билан ўзингиз яшаб турган район ижтимоий таъминот бўлимига мурожаат этиб маслаҳат олишингиз мумкин.

Мен радикулит билан оғриб, 1992 йили Қисловдскка бориб, «Ўзбекистон» санаторийсидан ўн бир минг сўмга йўлланма сотиб олдим ва 24 кун давомида даволаниб келдим. Бу ҳақда маълумотнома ва квитанция олиб келиб, хўжалигимиз касаба уюшмаси кўмитаси раисига топшириб йўлланма қийматини тўлашларини сўрагандим, лекин улар фақат 450 сўм тўлашлигини айтишди.

Менга ўхшаб йўлланма сотиб олиб даволанган давлат ташкилотлари ходимлари йўлланма қийматининг 75 фоизини ўз идораларидан олишаркан. Нега энди биз жамоа аъзоларига тўланмайди?

Қ. МАМАСОЛИЕВ,
Сурхондарё вилояти, Денов районидagi
Ленин номи жамоа хўжалиги.

Ижтимоий суғурта маблағи етишмаслиги сабабли ҳозирги вақтда ишчи ва хизматчилар томонидан сотиб олинган йўлланмаларга 480 сўм миқдорида тул тўлаш белгиланган. Бу жуда кам, албатта. Бу тўловлар тез қўнларда сайта қараб чиқилиши ўзда тўтилмоқда.

Хатингизда қайд қилинган сотиб олинган йўллананинг 75 фоиз қийматини

ходимларга давлат ташкилотлари ҳисобидан тўланади, лекин ижтимоий суғурта ҳисобидан эмас.

Келажакда йўлланма олишга зарурият туғилганда талабингизни жамоа хўжалиги касаба уюшмаси кўмитаси кондилролмаса, имтиёзли йўлланма олиш учун ариза билан район, вилоят касаба уюшмаларига мурожаат қилишингиз мумкин.

1 гуруҳ ногирониман. Турмуш ўртоғим менга қараб турган вақт иш стажига ўтадими? Кирса меҳнат дафтарчасига ёзиладими?

Меҳнатда майиб бўлган ногиронларга корхона томонидан тўланаётган тўловлар ҳам ошганми? Ошган бўлса қаерга мурожаат қилиш керак? Велюколяска олиш учун-чи?

Р. БЕКНИЕЗОВ,
Қорақалпоғистон, Беруний шаҳри.

I тоифа ногиронига меҳнатга лаёқати бўлган, лекин ўзи нафақа олмайдиган ва ишламайдиган оила аъзоси ёки бошқа шахс қараб турса, бу иш стажига қиради.

Меҳнатда майиб бўлган ногиронларга корхона томонидан соғлиққа етказилган зарарни қоплаш учун тўловлар белгиланади. Бу тўловларнинг миқдорлари ҳам ошган. Сизга

тўлаб келинган миқдор эндиликда қанча бўлганлигини аниқлаш учун иш жойингиздаги касаба уюшмаси ёки (вилоят) район касаба уюшмаси техник инспекторига мурожаат қилишингиз мумкин.

Вело ва кресло арава-чалар тиббий-мехнат экспертиза ҳайъати хулосасига асосан ижтимоий таъминот ташкилотлари ордкали берилади.

Ёшим 55да, ёлғиз яшайман. Аҳволим оғир, яшашим ҳам қийин бўляпти. Менга нафақа тайинланадими?


Ж. САТТОРОВА,
Қашқадарё вилояти, Чироқчи райони.

Меҳнат стажингиз ҳақида ёзмагансиз. Сизни қизиқтирган саволга жавобимиз қуйидагича: Меҳнат стажига бўлмаганларга ҳозирча нафақа тайинлашнинг имконияти йўқ. Борди-ю камрок стажингиз бўлса, унда шу йилларга мутаносиб тўлиқсиз нафақа тайинланиши мумкин. Демак юқорида айтиб ўтганимиздек иш стажига бўлмаганларга ижтимоий қариллик нафақаси тайин-

лаш мумкин эмас, чунки бу нафақа аёлларга фақат 60 ёшга тўлгандан кейин тайинланади.

Соғлигингиз заифлашган бўлса, даволаш муассасига мурожаат қилиб тиббий-мехнат экспертиза кўригидан ўтиш учун йўлланма олишингиз керак. Агар кўрик натижасида ногиронлик гуруҳи белгиланса, сизга ногиронлик бўйича ижтимоий нафақа тайинланиши мумкин.

● Саҳифаларни мухбирлар билан ишлаш бўлими тайёрлади.



ИНСОН қалби турли ҳиссиётларга тўла сирли бир хазинадир. Киши қувончдан ҳовлиқиб кетади, шодлигини кимгадир айтгиси келади, унинг ҳам ўзи билан бирга суюнишини истади. Бу яхши хислат. Баъзан кимдандир ранжийсан, юрак ўкинч юкини кўтаролмай қоласан. Табиийки, бундай пайтда дардингни дуч келган одамга айтолмайсан, андиша қиласан, ийманасан. Жуда бўлса, бирон сирдош кимсага, отонанг, умр йўлдошинг, дугонанг ёки энг яқин дўстингга кўнглингдагини тўкиб солиб, дилингни бироз бўшатиб, оласан.

Борди-ю энг яқин одамнингнинг ўзидан алам ўтса-чи? Бундай пайтда кўз ёшларингни артиб, маҳалла кўйининг доно одамларига рўбарў бўласан. Ана ўшанда ким нимага қодир эканлиги маълум бўлиб қолади. Хуллас, бундай донолик вазифасини бажаришга маҳалла кўмитаси қор келади сенга. Бузилиш арафасида турган оилалар қайта тикланади, тартиббузарлар дашном ейти, тўғри йўл топади. Улим туфайли бошингга тушган маърака-тадбирли ташвишлар ҳам, тўй-томшалар ҳам маҳалладошлар хайрихоҳлигида энгилгина кўчади.

Назаримда инсон қувонч ва ташвишларга ҳар куни дуч келади. Ана шу ҳаёт оқимида ҳолисанолло сарбонлик қилаётгани учун ҳам маҳалла кўмиталарининг обрўси юксалиб борапти. Янгиер шаҳридаги Улуғбек маҳалласига Жўрабек ака Ғозибеклар бошчилик қилади.

Ўндан ортик миллат вакиллари билан ташкил топган маҳалла аҳлининг эътиборли отахони, доно маслаҳатгўйи у.

Жўрабой акада расмиятчилик йўқ. Баъзи-бировларга ўхшаб, идорага боринг, демайди, ҳатто уйига келган кишиларни ҳам худди азиз меҳмондай қабул қилиб, хонасининг тўрига ўтказди.

Дастурхони доим қуюқ. Ҳо-жатиингни ҳал қилиб бермагунча кўнгли ўрнига тушмайди. Ҳеч бўлмаса холис сўзи билан йўл-йўриқ кўрсатади. У ҳаммага вақт топади, ҳаммаша ўз маҳалладошларининг қувонч ва ташвишлари билан бирга яшайди. Унинг шу хислатлари кўмита аъзолари, оқсоқоллар ва хотин-қизлар кенгашлари раҳбарларига ҳам кўчган.

— Маҳалла тинч, осойишта бўлса одамлар орасида имон, эътиқод кўтарилмайди. Дастурхонинг қут-баракати, — дейди Жўрабек ака Ғозибеклар. — Маҳаллада 180 хонадон бўлиб, 1500 нафар аҳоли истиқомат қилади. Бу хонадонлар аҳлининг бугунги ғам-ташвиши, бахти ва бой-камбағаллиги маҳалла кенгаши аъзоларининг қандай ишлашига боғлиқ. Ҳо-

зибеков раҳбарлигида яна анчагина ишлар амалга оширилди. Озодлик, Бобур ва бошқа кўчаларга лоток ўрнатилиб, сув чиқарилди. Бозор, қассобхона, 2 та новвойхона ҳамда «Наврўз», отахонлар чойхонаси, 3 та савдо шаҳобчаси аҳоли хизматида.

Маҳалла кўмитасининг фаолларидан 6 нафар киши маҳалла билан бирга нафас олади. Ҳамманинг оғирини энгил қилишга уринишади. Жамоатчилик хизмати билан эл ичида обрў топган М. Каримов, Т. Абдукаримов, Ж. Суқуров сингари фаоллар қайси хонадонга ёрдам керак, кимда нима бор, ким нимага муҳтож эканлигини аниқлаб, хонадонларнинг яшаш тарзини ўрганиб боради.

Маҳалла аҳолиси учун ҳар бир хонадонга озиқ-овқат дўконлари хизматчилари томонидан белгиланган тартибда маҳсулот тарқатилмоқда. Уруш ва меҳнат ногиронлари, фахрийлари, айниқса, маҳалладаги 26- озиқ-овқат дўкони сотувчиси Инобат Худойкуловадан миннатдор.

— Айни пайтда қандай орзу-ниятлар билан яшайсизлар? — деган саволингизга маҳалла кўмитаси раисининг жавоби шундай:

— Энг аввало 180 хонадоннинг ҳар бирида боғ барпо қилишни, саранжом-саристаликка эришишни, маҳалла кўчасини гулзор-боғ кўчага айлантиришни ният қилаёпмиз. Бундан ташқари тўй-маросимлар тартибли ўтиши режасини ишлаб чиқдик. Чунки бу масалаларда ҳам маҳалланиннг ўз тартиб-қоидаси бўлиши керак. Шунингдек, ҳозирги оғир шароитда сарф-харажатлар ҳам ҳисоб-китобли.

Ҳа, Жўрабек аканиннг гапларида жон бор. Чунки маҳалланиннг қиёфасини кишиларнинг ўзи белгилайди. Зеро, шунга жазм этган кишиларнинг иқболи юксакдир.

К. ОДИЛОВ.

«УЛУҒБЕК»

МАҲАЛЛАСИ

ҚИЁФАСИ

- Маҳаллада боғ яратилди.
- Барча хонадонларда ҳам боғ ва гулзорлар бўлади.
- Маҳалланиннг ўз тартиб-қоидаси бўлсин.

— Маълумки, маҳалла зирги кунда улар янги азаллий урф-одатларимиз иш юритиш муаммолари доирасида баъзи бировлардаги ношуд хатти-ҳаракатларни жиловлаб туради, миллатимизга ҳос одоб-андиша доирасидан чиқиб кетишига йўл қўймайди. Қўмиталар пухта ишлайдиган маҳалла-ларда аҳиллик, осойишталикка ҳеч қачон дарз кетмайди. Шу жиҳатдан Жўрабек Ғозибеклар бош бўлган маҳалла фаолияти ҳар томонда унда боғ яратилди, сабз-донлама ибратлидир, — вот ва полиз маҳсулотлари дейди Ховос посёлка Кенгашининг раиси Одил Нуриллаев.

Дарҳақиқат, мазкур маҳаллада ташкилотчи раис Ж. Ғо-



«Оталар сўзи — ақлнинг кўзи» дейдилар. Тошкент районидagi «Кўксарой» маҳалласи кўмитасининг жонкуяр, ишчан раиси Қобил ота Собиров маҳалла аҳли учун яна бир эзгу режа тузмокда. Ҳа, бу ерда маҳалла фаоллари ва кенг жамоатчиликнинг саъй-ҳаракатлари билан анчагина хайрли ишлар амалга оширилди. Маҳаллада ободончилик ишлари авжида.

Чойхона, почта, ошхона қурилди. Кам даромадли оилаларга моддий ёрдам берилди.

Суратда: Қобил ота Собиров маҳалла фаоллари билан.

Суратқаш: Даврон АҲМАД.

БИР ПИЁЛА ЧОЙ УСТИДА

ЕЗУВЧИ Муроджон Мансуров ўзининг бир асарига ўзбек маҳалласига қуйидагича таъриф беради: «Мен маҳаллани яхши-ёмон кунимизда асқотадиган оқибатли одамлар жамоаси, деб атаган бўлардим. Чунки бу ерда ўлигингда ҳам, тиригингда ҳам зарур, шодлигинга ҳам, қайғунга ҳам шерик замондошларимиз яшайдилар».

Жўяли эътироф. Дарҳақиқат, умрнинг асосий қисми кечадиган маҳалла инсон тақдирида салмоқли ўрин тутаяди. Бошқача қилиб айтганда, у чинакам тарбия ўчоғи, ҳаёт мактабидир. Саноат, кийим-кечак, озиқ-овқат маҳсулотлари такчил бўлиб турган хозирги кунда баҳамжихат иш юритиш фойдадан холи эмас. Шу боисдан кўпчилик юпанч излаб, маҳалла оқсоқолларига мурожаат қилади, уларнинг маслаҳатларига жон қулоғини тутаяди.

Республика Президентининг «Маҳалла» жамғармасини ташкил этиш тўғрисидаги Фармони айни муддао бўлди, десам янглишмайман. Бу хайрли ташаббус эл-юрт дилида аллақачон пишиб етилган эди. Фармон маҳалла кўмиталарининг қаддини тиклаш, уларнинг иқтисодий мустақиллигини таъминлаш, умрбоқий анъаналарни кенг оммалаштиришга қаратилганлиги билан ҳам қимматлидир. Шундан келиб чиқиб, биз ҳам муайян ишларни амалга ошираёпмиз. Маҳалла жамғармасига ҳар ким баҳоли қудрат хисса қўшаяпти.

Тўғри, ҳозир ҳаммага қийин. Биз, кексалар бундан-да оғирроқ кунларни бошдан ўтказганмиз. Ойнинг ўн беши қоронғи бўлса, ўн беши ёруғ. Демокчиманки, ҳар қандай катта, улуғ иш қийинчиликларсиз кечмайди. Уларни сабрбардош билан энгган иродали кишигина муродга етгусидир.

Маҳалла — катта оила. Аҳоли ўртасида тарбиявий ишларни қучайтириш, хонадонлар осойишталигини таъминлаш биз, фаоллар зиммасига катта масъулият юклайди. Бунинг чуқур идрок этишимиз лозим. Маслаҳатли тўн торкелмас. Бизнинг маҳалла шаҳардаги 11 маҳалладан энг каттаси ҳисобланади. Аҳоли зич жойлашган. 4000 киши истиқомат қилади. 80 га яқин уруш ва меҳнат фахрийлари, 200 дан ортик нафақахўр, шунингдек ўнлаб қаҳрамон оналаримиз бор. Уларнинг талаб-эҳтиёжларини ўрганиб, шу асосда иш тутишга интилаяпмиз. Тўй-маъракалар камчилик қилиб ўтказилмокда. Маҳалламизда шундай аҳил, меҳнатсевар ва меҳмоннавоз оилалар борки, улардан ҳар қанча ибрат олса арзийди. Бако Отамуродов, Вилор Холиқов, Ваҳоб Ҳамидов, Солиҳа Нарзуллаева, Мамлакат Воҳидова хонадонлари ана шулар жумласидандир.

Бизда ҳамма бир-бирини яхши танийди. Хурмат қилади. Ўзаро аҳиллик, меҳр-оқибат мустаҳкамланмокда. Яқинда шарқона услубдаги чойхона ҳамда мўъжазгина идора биносини қуриб битказдик. Бу ердан маҳалладошларнинг қадами узилмайди. Бир пиёла чой устида ширин суҳбат қуриб гурунглашишга, дийдорлашишга не етсин!

О. ЖўРАЕВ,
Ғиждувон шаҳридаги
«Гулистон» маҳалла
кўмитаси раиси.



ФУТБОЛНИ КИМ ҚАНДАЙ ТУШУНАДИ?

БУНДАН ҲЕЧ КИМ ОШИРОЛМАЙДИ

ОЙБЕК домла «Улуғ йўл» романини ёзиб бўлиб, навбатдаги Бухоро ҳақида ёзилажак асарига материал тўплаб юрган чоғлари. Анча чарчаб, асаблари бўшашиб қолибди. Шунда Зарифа опамиз домлани машаққатли ишлардан чалғитиш, бироз дам бериш чорасини қидира бошлабди. Уйлай-уйлай шундай қарорга келибди: домлани стадионга футбол томошасига олиб бориш керак!

Эсингизда бўлса, олтмишинчи йиллари футболимизнинг обрўси жуда баланд эди. Стадионга одам сигмай кетарди. Хуллас, опа домлани бир



УЧ ЮЗ САКСОНТА ЧИРОҚ

1965 йил эди. «Шарқ юлдузи» ойнамасида ишлардик. Асқад ака муҳаррир. У кишининг қизиқ одатлари бор эди: ўзини катта олмас, биз нима иш қилсак худди ёш болалардай қўшилишиб кулаверар эди. Ош қиладиган бўлиб қолсак, ҳаммадан кўпроқ улушни Асқад ака тўларди. Мен муҳаррирман-у мана булар ходим, деб ўзини баланд олганини билмайман. Аммо, ойнама ишларида ўта талабчан муҳаррир эди.

Хуллас, бир куни Ҳайдар ака Ниёзов билан тил бириктириб, Асқад акани ҳам стадионга — футболга олиб бордик. У киши ялтирмади. «Тушсак тушаверамизда» деб келаверди. Жойимиз стадионнинг соя томонида. Асқад ака ўртамазда ўтирибди. Уйин бошланди. Ҳаяжонлар жунбушга келди. Бақир-чақирлар, қийқириқлар, ҳуштакбозликлар авжида. Аммо Асқад ака икки кафтини жағига таяганича миқ этмай ўтирар эди.

Уйин тугади. Оғзимиз кулоғимизда. Биз ютдик. Ҳисоб: 2:0.

Стадиондан чиққанимизда Ҳайдар ака Асқад акадан сўраб қолди:

— Қалай?

— Жуда зўр, — деди Асқад ака хотиржам. — Буни қаранг-а! Стадион

атрофида уч юз саксонта чироғи бор экан...

Ялт этиб Ҳайдар ака менга қаради, мен Ҳайдар акага. Футболни жиндек ҳурмат қиладиган шинаванда учун бундан ортиқ ҳақорат бўлмаса керак-ов! Бутун ўйин бўйи акам чироқ санаб ўтирган эканлар.

Шундай қилиб, Асқад акани иккинчи бор стадионга таклиф этмайдиган бўлдик.

У ЕҚҚА ЧОПИШАДИ, БУ ЕҚҚА ЧОПИШАДИ

БИР гал Олмаотага борганимда «Қайрат» билан ўзимизнинг «Пахтакор» ўйнайдиган бўлиб қолди. Меҳмонхонада, бугун бир мириқиб футбол томоша қиларканманда, деб ўтирсам, тўсатдан Ғабиден оға Мустафин телефонда уйига таклиф қилди. «Уббў...» дедим малол келиб. Бормай десам катта одам, гапини қайтариб бўлмайди. Борай десам, футболни кўзим қиймайди. Ахири, «у кишининг уйида ҳам телевизор бордир», деб ўйлаб, йўлга тушдим.

Меҳмондорчилик тугаб... дастурхонга чой келганида ўйин бошланадиган пайт бўлиб қолди. Оғадан изн сўраб телевизорни қўйдик. Экранда коптокнинг тасвири туширилган эмблема кўриниб, футбол марши чалина бошлагандаёқ оға ўрнидан туриб кета бошлади.



Ҳа, оға, томоша қилмайсизми?

— Жўқ, — деди у жилмайиб. — Слишком однообразна! Алай жугиреди, билай жугиреди.

Шундоққина ёнгинамда оғанинг Қайрат деган ўғли ўтирган эди. Агар у: «Кўяверинг, Носир оға, отам футболга тушунмайди, ўзимиз томоша қиламиз», демаганида, билмадим, телевизорни ўчириб футбол томошасидан мосуво бўлармидим?!

Носир ФОЗИЛОВ.



амаллаб кўндириб стадионга олиб келибди. Футбол бошланибди. Домла ҳеч нарса билан иши бўлмай, атрофдаги шинавандаларнинг қийқириқларига ҳам, ҳуштакбозликларига ҳам, ҳатто ёнгинасида ўтирган Зарифа опага ҳам парво қилмай, миқ этмай ўтираверибди. «Уйин ёқди шекилли, хайрият-э, деб, опа хурсанд эмиш. Бир маҳал денг, майдон ўртасида Красницкий тўпни би-ир тепган экан, копток осмони фалакка чиқиб кетибди. Шунда домла ҳаяжонланиб, ўридан шартта турибди-ю:

— Тур Зарифа, — дебди опанинг тирсагидан тутиб. — Бўлди, мана шуниси ютди. Энди бундан ҳеч ким оширолмайди!

ҚУЛОҚҚА ЧАЛИНГАН ГАПЛАР

— Менга топширилган жамоат ишларини ҳисобласам, икки қўлимдаги бармоқларим етмайди.

(Бир ўқитувчининг шикоятидан)

— Аудиторияга кирганда бошингни олиб кир.

(Ўқитувчининг танбехидан)

— Қарздорлар ой охирига-ча «дум»ини айқотсин.

(Деканатдаги эълондан)

— Сатторнинг «сон»и яхши чиқибди, Ферузанинг «февли» ҳам ёмон эмас.

(Тилчининг такризидан)

— Отни тугатдим, февлга келдим.

(Бир тилчининг изоҳидан)

Баҳодир БАДАЛОВ.



Алло, далажон, қачон келасиз?
Жўра БОБОРАХМАТ олган сурат.

БИЛАСИЗМИ?..

■ Эгей денгиздаги Киклад ороллари гуруҳига кирувчи Кимолос ороли ерлари таркибида совун бўлган ёғлиқ модда билан қопланган. Орол аҳолиси жуда қадим замонлардан бери ундан совун сифатида чўмилишда ҳам, кир ювишда ҳам фойдаланишади. Қизиги шундаки, агар оролга ёмғир ёгса ҳамма ёқ совун кўпигига тўлиб кетади.

ярмидан кўпроғи қор нималигини билишмайди. Улар қорни фақат киноларда ва расмлардагина кўришган.

■ Дунёдаги энг қадимги университет Ал-Азҳар 989 йилда Миерда ташкил қилинган. Уша пайтлардаёқ у ерда математика, астрономия, тиббиёт ва жугрофиядан таълим берилган.

(Мадагаскар) ўз атрофидагилардан бирор бир кишини ухлаб ётганда тушига киришни таъқиқлаб қўйган. Бу «қондани» бузганларни у жазолаган.

■ Қуёш тутилиши энг узоғи билан етти минут давом этади.

■ Перунинг пойтахти Лима океан қирғоғига жойлашган. Бу шаҳар аҳолиси

деярли ёмғир нималигини билмайди. Уйларнинг томларида тарнов ҳам йўқ. Одамлар ёмғирпўшдан умуман фойдаланишмайди. Бу ерда бир йилда атиги 33 миллиметр ёмғир ёғади.

■ Туркменистон ҳудудида қуёш энергияси шу даражада кўп тушадики, бу ер юзидаги барча электр станциялари бераётган энергияга қувватига тенг.



Бувиси шўхлик қилаётган Муроджонга деди:

— Вой, боламей, жуда тинкамни қуриб юбординг-ку.

— Бувижон, нима тинкангиз хўлмиди? — сўради Муроджон ҳайрон бўлиб.

Эрталаб хотин эрига маслаҳат солди:

— Дадаси, гилосимиз роса етилди-да, териб сотсак, бирор минг сўм даромад қилармиз.

— Ихтиёринг, онаси, — рози бўлди эр.

Сал ўтмай шаҳардан гилосхўр набиралар келишди.





ХОРИЖДАН ХАБАРЛАР

● **Украинадаги олий ўқув юртлири талабаларига бериладиган энг кам миқдордаги стипендия 3 минг 680 карбованец (энг кам ойлик бу ерда 4 минг 600 карбованец) қилиб белгиланди. Яхши баҳога ўқийдиганлар 5 минг 980 карбованец, аълочилар эса 6 минг 900 карбованец олишади. Ишлагандан кўра ўқиган яхши бўлиб қолди.**

* * *

● **Республика мажлисининг махсус қарорига мувофиқ Душқоқ тикувчилик — трикотаж фабрикасига Туркманистон республикаси Президенти Сапармурод Ниязовнинг онаси Гурбонсолтон Атамировова номи берилди. Бу қарор корхона жамоаси талабига ва маҳаллий ҳокимият таклифига кўра қабул қилинган.**

* * *

● **Россияда Ички ишлар вазирлиги ишлаб чиққан дастурга кўра, мамлакатда жиноятчиликка қарши курашиш учун икки йил ичида 2 триллион сўм ва 400 миллион доллар маблағ керак бўлар экан.**



● **Латвияда хонадонлардаги телефонлар учун ҳар ойда 100 сўм тўланадиган бўлди. Якка тартибда янги телефон ўрнатадиган одамга у уч минг сўмга тушади. Идора ва корхоналар эса янги телефон ўрнатишга 20 минг сўм тўлайдилар. Латвия ҳудудида телефонда шаҳарлараро гаплашиш учун минутига 4 сўм, МДХнинг Европа қисми шаҳарлари учун 70 сўм тўлашади.**

* * *

● **Техрондан 15 километр ғарбда Эроннинг «Иран эйр турс» туристик компанияси томонидан ижарага олинган «Ту — 134» самолёти ҳалокатга учраган. 119 йўловчи ва 12 экипаж аъзоси ҳалок бўлишган. Рейтер агентлиги Эрон ахборот агентлиги хабарига асосланиб «Ту — 134» ҳарбий самолёт билан тўқнашиб кетганлигини айтган.**

Мексикадаги ҳайвонот боғларидан бирининг директори Виктор Берналнинг кўнгли ихтиёридаги қафасларда фақат Африкада яшайдиган баҳайбат одамсифат горилла бўлишни истаб қолди. Лекин уларни Африкадан олиб келиш гоёт даражада қimmat ва қийинлиги унга жуда яхши маълум эди. Тадбиркор директор бошқача йўл тутди. Бу соҳани яхши билладиган бир одам АҚШнинг Флорида штатида герилларнинг катта тўдаси яшайдиган қўриқхона борлигини директорга аста шипшитган. Шунда жаноб Бернал, улардан икки-учтаси камайиб қолса ҳеч ким сезмайди, деган мулоҳазага борган ва ўз ёрдамчиларидан икки кишини разведкага жўнатган. Бу ерга келган разведкачилар билан дарҳол

● **БМТнинг собик Югославиядаги кучлари бош штаби маълумотига кўра, ўтган шанба кuni Загребдан Сараевога учиб бораётган Германиянинг юк ташувчи самолётига ердан ўк узилганди. Шу сабабли Сараевога инсонийлик ёрдами элтиб бераётган самолётларнинг учуши вақтинча тўхтаиб қўйилди.**

Хорватиянинг Карловац шаҳридан жануби-ғарбда ўк отилиши натижасида экипаж аъзоларидан бири яраланди. Мотори шикастланган самолёт эса Загреб аэродромига қайтиб келди. БМТ кучлари кўмондонлиги Германиянинг самолёти ўқка тугилгани учун серблар ўлкаси ва Югославия маъмурларига норозилик хати юбориб, бу безорилик масъулиятини серблар ўлкасининг халқ лашкарлари зиммасига юклади.

● **Босния ва Герцеговинадаги можарони бартараф этиш мақсадида собик Югославияга ба-**

гишланган халқаро конференциянинг мувофиқлаштирувчи кўмити ҳамраҳлари Сайрус Вэнс билан Лорд Оуэн режа ишлаб чиққан эдилар. Яқшанба кuni улар БМТ қароргоҳида ўзаро урушаётган томонлар делегацияларнинг раҳбарлари билан яна бир неча учрашув ўтказишди. Аввалги кунлардаги каби бу гал ҳам арзигулик бирон-бир натижага эришилмади.

● **АҚШ Президенти Билл Клинтон яқшанба кuni Оқ уйда ўзининг етакчи ёрдамчилари билан биргалликда олти соат кенгаш ўтказди. Кенгашда янги маъмуриятнинг иктисодий дастурини ишлаб чиқиш масалалари муҳокама қилинди. Президент федерал бюджетнинг камомадини қисқартиришга ва саноат ишлаб чиқаришини кўтаришни рағбатлантиришга оид режасини 17 февраль кuni Америка Конгрессининг сенати билан вакиллар палатаси кўшма мажлисида эълон қилиши керак.**

Ярим

Йиллик

танаффусдан кейин

Вацлав Гавел Чехословакиянинг Президенти бўлган пайтда ҳафтасига бир марта радио орқали бевосита суҳбат ўтказишни одат қилган эди. Ярим йиллик танаффусдан кейин яқшанба кuni кечкурун радио орқали яна унинг овози янгради. Чехия давлатининг ташқи сиёсати оқилона ва мағрур сиёсат бўлмоғи керак, бу сиёсат ҳамжихатлик, ҳамкорлик ва дўстлик муносабатига асосланмоғи лозим, деди Чехия республикасининг Президенти Вацлав Гавел радио орқали мамлакат аҳлига қилган мурожаатида.

Давлат бошлиғи Чехия республикасининг жуғрофий-сиёсий мавқеи ҳақида гапириб, бу давлат Европа марказида муайян барқарорлаштирувчи омил бўлиши, ташаббускор, тинчликсевар ва ошқора сиёсат ўтказиши лозимлигини таъкидлади.



Бугунги Испания.

Суратда: Мадрид шаҳридаги Қуёш майдони.

Р. ЖАББОРОВ олган сурат.

штатнинг табиатни муҳофаза қилиш хизмати ходимлари ва кейинчалик прокуратура қизиқиб қолган. Қонунбузарларни жи-

га жуда ёққан Моджа лақабли горилла билан самолётда бирга учиб боришни талаб қилган. Африканинги баҳайбат

ноятчиларнинг қўлига кишан солиниши билан полициячилардан бири қафаси очганда горилла шитоб билан ташқарига отилган. Бундан аэропорт ходимларининг қапагаги учиб кетган. Озодликка чиққан горилла инглиз тилида ноёб ҳайвонлар билан таваккал қилиб бўлмадлигини айтган. Маълум бўлишича, табиатни муҳофаза қилиш хизмати ходимларидан бири худди гориллага ўхшаб маймун териси ичига кириб олган экан. У буни шу даражада моҳирлик билан амалга оширганки, буни ҳатто ўз соҳаси бўйича зўр деб ҳисоблаб келинган Бернал ҳам то қамоққа олишгунча сезмаган.

ОДАМ ҚАНДАЙ ҚИЛИБ МАЙМУН БЎЛИБ ҚОЛДИ?

ДАРВИННИНГ одам маймундан пайдо бўлган деган фарази шу пайтгача фаразлигича қолиб келмоқда. Аммо одамнинг аста секин эмас балки тўсатдан маймунга айланиши исботланди, дейиш мумкин. Унинг тарихи қуйидагича.

ноят устида қўлга олишга қарор қилишган. Умарилмоқчи бўлган «молни» кўришга директорнинг ўзи келган. Бернал ўзига ёққан маймунни танлаб, ўша ердаги келишилган хизматчига 90 минг доллар тўлаган. Лекин ундан ўзи-

ҳайвони қамалган қафас Майяи аэропортига келтирилган. Бернал ва унинг ёрдамчилари қафасни самолётга ортишни бошлаган пайтларида полиция пайдо бўлган ва контрабандачиларни жиноят устида қўлга олган. Жи-

Ишонч

Бош муҳаррир
Тўлкин КОЗОҚБОВ

ТАҲРИР ҲАЙЪАТИ:

Акмал АҚРОМОВ
(бош муҳаррир муовини),
Абдуманноп АЛИМБОВ,
Муҳаммадлатиф ЖУМАНОВ,
Турғунбой МАДИЁРОВ,
Турғун НАЗАРОВ
(масъул котиб),
Абдурасул РЎЗМАТОВ,
Саминжон СУЛТОНОВ
(вилоят муҳбири),
Муҳайё ТЎЛАГАНОВА,
Шабот ХҲЖАЕВ,
Санобар ХҲЖАЕВА.



● Бош муҳаррир қабул-хонаси — 56-25-36
● Бош муҳаррир муовини — 56-52-89
● Масъул котиб — 56-52-78

БЎЛИМЛАР

● Ижтимоий, иктисодий ва социал масалалар — 56-82-79.
● Маданият, маънавият ва хатлар — 56-87-78, 56-87-63.
● Безатиш — 56-87-74.
● Ишлаб чиқариш ва ҳўжалик — 56-55-85.

ВИЛОЯТЛАРДАГИ МУХБИРЛАРИМИЗНИНГ ТЕЛЕФОНЛАРИ:

Андижонда — 5-32-24;
Бухорода — 3-50-10
Гулистонда — 2-10-02;
Жиззахда — 2-39-54;
Наманганда — 6-22-10;
Нукусда — 4-19-97;
Самарқандда — 35-63-64;
Термизда — 2-70-07;
Тошкентда — 56-87-59;
Урганчда — 6-87-82;
Фарғонада — 4-47-73;
Қаршида — 5-33-71.

● **Муҳарририятга келган қўл-ёзмалар (2 ораликда 5 бетдан ошмаслиги лозим) ва суратлар муаллифларга қайтарилмайди, фойдаланилмаган хатларга жавоб юборилмайди. Таҳририят востачилик қилмайди. Мақолалардаги фикр-мулоҳазалар, келтирилган факт ва рақамлар масъулиятини муаллифлар зиммасидадир.**

● **Газета 1991 йил 21 мартдан чиқа бошлаган.**

● **«Ишонч» газетаси 1991 йил 8 январь кuni Ўзбекистон Республикаси матбуот давлат қўмитасида рўйхатга олинган ва унга 000068 сонли гувоҳнома берилган.**

● **Газетамиз ҳомийлари:** Урта Осиё электр аппаратлари илмий ишлаб чиқариш бирлашмаси.

Тошкент вилояти, Урта Чирчик районидаги Ким Пен Хва номидаги корпорация.



● Сотувдаги нархи 8 сўм.
● ШАНБА кунлари чиқади.
● Босишга 12 февралда топширилди.
● Навбатчи масъуллар: Турғун Назаров, Санъат Маҳмудова.

МАНЗИЛИМИЗ:

700165, Тошкент шаҳри, «Правда Востока» кўчаси, 24 -уй.
● Буюртма — № 190.
● 81.730 нусхада босилди.

● **Ўзбекистон Республикаси «Шарқ» нашриёти-матбаачилик концернинини босмаҳонаси, Тошкент шаҳри.**